

集部

詳校官庶古士臣陳若霖 侍讀臣练球覆勘

總校官編修街臣朱 鈴 校對官侍部臣胡士震 曆録監生臣許 溶

欽定四庫全書 浮沚集 7 - ----提要 字出知樂清縣陳振孫書録解題稱其為太 出作縣鄉人至今 稱周博士盖相沿稱其初 學博士以親老歸教授其鄉再入為館職復 恭叔永嘉人元祐六年進士官至秘書省正 臣等謹案浮沚集八卷宋周行已撰行已字 浮业集 集部三 别集類二宋

小牙口母在了 開水嘉學浮之先集中有上宰相書云少慕 傳訛也行已早從伊川程子游傳其緒論實 前後兩集之數而又別出周博士集十卷已 三卷宋史藝文志載周行已集十九卷正合 三女振孫所記當必不誤宋史及温州志均 卷更参錯不符考振孫之祖母即行己之第 授之官也振孫載浮江先生集十六卷後集 相牴牾萬歷温州府志又稱行已集凡三十


當有意于進取又有上祭酒書云十五學屬 文十七補太學諸生學科舉又二年讀書益 行已之學雖出程氏而與曹章前庭堅晁說 章明白淳實粹然為儒者之言固有由也且 見道理于是學古人之修德立行云云觀所 之秦觀李之儀左譽諸人皆相倡和集中寄 自叙其生平學問梗概可以畧見則發為文 存心養性之說于周孔佛老無所不求而未 李上小

欽定四库全書 校上 五尚足見其大凡也乾隆四十七年四月恭 所載蒐羅排比共得八卷較之原編十幾得 户之見故耳濡目染詩文亦皆嫻雅有法尤 爍垂明珠于蘇軾亦極傾倒絕不立洛蜀門 魯直學士一詩稱當今文伯眉陽蘇新詞的 **講學家所難能矣集父失傳今從永樂大典** 總不官紀的臣母熊孫士毅

		الله المدينة الأراضية . ا				
Ì		i				
1		į				
i		;				
Ì	i					
į	1					
!						
1						
	į					
1	ļ				l ,	
)	. !		·			
1						١ ١
						總
į		i				1 1
1		ì				校官臣
	: 1			1		1-
				1.5		它
						•
					1	臣
						陸
						135
						费
		v .				墀

Paramora vina	-	1	( <del></del>		***************************************			
								一 少 大 匹 库全書
						·	ő	<b>7</b> . (
	!						1	促要-
7								The company of the control of the co
1 2 3 1								4
				1	1	1		

欽定四庫全書 Ja 15. 1 1.1. 浮沚集目錄 卷二 卷三 卷 策三首 經解十二首 奏議二首 浮汕集 集部三 别集類二宋 表二首 策問十二首



これでと んこす 卷 巻九 五言古詩三十五首 七言律詩二十一首 七言絕句三十五首 五言律詩三十五首 七言古詩十一首 五言排律二首 五言絕句五首

100	-	THE RESERVE OF THE PERSON NAMED IN	of a second		Market Street	Charles of the last	THE PERSON LAWS	Marie Control	
			11	1		1	ī	t	1 )
		<b>!</b>	l	1	1	1	I	ł	インンン・ハー・
11			i	ı	ł	1	1	1	ادا
1		1	1	}	1	1	1	1	10
Ш		l	1	ł	1	t	Į.	l	12
!!		1	1	l	1	1	1	1.	10
11			Į.	l	1	1	i	I	1
		l		1	i .	1	i	i	1
11		}		1	1	ł	;	1	1
11				1	1	1			1/
!!		)	i		1	1		1	ľ
1			l·		1	Į.	ŧ	(	1,
11		į.	i		1	1		l	15
1			i			1	1	1	1_
1		1	İ	•	1	1	I	i	Ι.
1		i .	l	1	1	1	1	i	1:
1		l	<b>(</b> .		ĺ		ł	i	1
1		1	i	1	1	1	1	!	1
			l .	ł	ļ	1	1	i	1
!!			ŧ	1	1	1	!	!	1
		1	ŀ	1	I	1	I	1	-
1		1		ĺ	1	l	i	1	
l i		1	ł	l		1	]	l	F
1			ľ	l .	l	(	l	1	1
1		r i	ı	ł	ì	I .	I	1	1
:		l	l'	i '	1 .	1	1	i	1
٠			1 2	ł	l	I		1	.1
			1			1	1		1
				1	1	i	i i	1	1
		1		i	1	ì		ł	1
					{			1	10
		1		i	1		l		目斜
1				i	1	1	1	1	1.
1			1	Ī	1	1	!	Į	183
11		ì	1	i	1	1		ļ	1.4
1				!	l			i	1
			1		1				1
1		•	•		1	1		1	1
1			1 .		l			1	1
ì					1	1		1	1
1		1	1	i		1 1		ł	1
i			1		1			l	1
į		(			(				1
1					l .				1
1		1						l	1
i			[ '					ĺ	!
1				I				I	1
1	-		(						1
ı					1 1 1			I	1
		1			1	1		1	ì
,		i .	l					l .	1
				1				1	1
				1					1
			I			[			1
:			ł	}	1			1	1
i		[	1	I	l			1	1
			1		l			1	1
1			į.	l	Ī	1	1		1
1		1	ł	١.	ŀ	1		l	١.
1		}	l		1			1	1
1		1	l	i	i	i i		I	1
:		1	ŀ			1	1	1	1
1		1	1	1	1			1	1
1		i	l	l	l	1		1	1
			1	ł	1	•			1
ļ								i	1
i			1	I	1			1	.1
1		1	1	ı	i				1
1		1	1	ł	i .			1	1
		•	1						1

· 18. James 11:3 息盖防此也於惟陛下臨 時代 政治 建筑量 STATE SAME Constitution of 獨都而任賢使能廣羣聽而明目 浮址集 于朋比而天下之患莫深于建 **命以來總攬權網勵精政** 周行已 撰 聖慮而天下之理得矣臣愚不勝區區螻蟻之誠 之患如此則職何小而不舉事何細而不聞不待悉煩 于公使無朋比之數擇耳目之官成竭其忠使無壅隔 責之三省百司而獨操其要者在于察股肱之任必出 繁久勤宵肝臣願陛下儲精蟆獲游意太清小職細務 事官無大小事無巨細皆出夜斷親御翰墨臣無奔走 而功成然則天下既已無事矣臣愚過慮竊意萬幾之 而聽命海內數所而蒙德十二年間法全而令具治定

盛世身事明主豈不願陛下享天下之安天下同陛下 之君使其民為免好之民孔子亦曰如有用我者吾其為東 天下何則君臣之義出于天性天下之人同于一體是 臣聞忠臣雖在畎畝不忘其君志士雖無其位而憂在 周乎孟子亦曰豈徒齊民安天下之民舉安况臣生逢 以伊尹耕于有華而自任以天下之重仲尼孟軻身為 匹夫而汉汉皇皇彼皆遭非其時猶欲使其君為堯舜 上皇帝書

之樂承祖宗深厚之德澤固萬世無窮之基業而臣尤 金少四八年言 然而天下之民猶有不得盡被陛下之澤而經國之術 欽明文思之聖學允恭克讓之懿行是以手詔每下天 舜取人為善之大德有成湯改過不吝之誠心加之以 猶有不得盡如陛下之意者豈非有司議法之過官吏 行法之弊乎臣讀易得其說曰天地之大德曰生聖人 下無不感悦雖遠方窮僻之民皆知陛下之為聖主也 以為幸者以陛下性體帝堯之仁躬行周王之孝有大

シニカラ とこう 理 浮近集 禁民為非曰義今陛下有天地好生之德居聖人大寶 三口用有德四回重守令為經國用之說有六一日修 區之說者誠謂更化之際古人所難調一之道必有其 天下之責者夫守位莫大于得人心聚人莫先于經國 之位守之以仁行之以義而臣下未有稱陛下之旨任 之大寶日位何以守位曰仁何以聚人曰財理財正解 要故臣為得人心之說有四一曰廣思有二日解朋黨 用此誠陛下今日之所留意而已行之矣然臣猶有區

或有未便刑罰或有失中天下雖知陛下之德而行法 錢貨之法二日修茶鹽之法三日修居養安濟漏澤之 因推應官吏軍民之在罪籍者無輕重悉使自新如此 之吏不無失人之心臣願陛下曠然為盛德之樂下責 之法臣所謂廣思有者誠謂陛下前日聽任之過法度 有陷于非辜賢者或有廢而未用人失其所澤不下宣 躬之詔其意若曰廼者失于聽任法度遇差恐吾民至 法四日修學 校之法五日修吏役之法六日修轉輸

1 10.1 1.10 之已久所言失當者或出于忠誠之情激所為繆戾者 夫一身內有九族之聚外有婚姻之黨又有朋游之好 然後除其黨籍物戒有司應令故以前不得復論繼令 司之為過也臣所謂廣思宥為得人心之所者此也夫 則天下之人熟不惟然交悦益知陛下之為聖前日有 以後不得復以朋黨為言朋黨之論誠非國家之利也 家十人十家百人百家十人以一人失職十人懷成 口傳情萬口傳聲陛下誠能念其前事之已往歲月

或出于愚暗之無知天下樂生之情同于昆蟲何所不 所同千人之憂戚為四海之惟聲臣所謂解明黨為得 聽其仕進已亡及者悉復之有思賜者悉還之如此則 之帥府望郡前任臺省官者與之列郡餘官各隨資任 黨應前任宰相執政者與之三京四輔前任侍從者與 爱陛下好生之德同于天地向所不容臣願無問罪之 輕重時之先後人之邪正悉因大需一切釋之兩解其 人無懷疑下無失職之數坐明咸被其澤賢愚各得其

次也無才無德斯為下矣故曰賢者在位能者在職又 兼備者上也有德而無才者次也有才而無德者又其 有有德者有有才者有才德兼備者操行無邪持心近 人心之術者此也臣所謂用有德者臣誠謂天下之人 Ja. 15 1 1.1. 1 1 厚所謂有徳也人所不能而已能之所謂有才也才徳 謂也賢者在位則朝廷尊朝廷任賢則天下服夫為德 曰任賢使能所謂賢者有徳之謂也所謂能者有才之 日之積也德成而信于人者又非一日之積也臣 浮趾集

心之行者此也臣所謂重守令者誠謂天下一家萬民 縣人之心州不得人則為陛下失一州人之心國不得 生事而又天下之所素知人心之所素服用之于一方 閱世故之久必能為陛下稽古愛民必不為陛下妄作 願陛下博選者艾参用舊德蓋者德之人知古今之多 民悦之人是陛下得民之悦也臣所謂用有德為得人 為本積縣為州積州為國縣不得人則為陛下失 一方之民悦用之于朝廷則天下之民悦陛下能用 顶

縣者為天下之根本令朝廷之上選賢用能而州縣之 縣之任應今後朝廷之點責者不得任郡守縣令朝廷 任未當選也資及應吏部之格者可以得也朝廷以為 人則為陛下失天下之心是人心者為州縣之根本州 · / · / · / · · / · · · 之是朝廷輕郡守縣令之任也臣願立守令之法重州 輕而都守縣令以吏部得之是州縣之任輕于朝廷也 不才而點逐者可以得也夫朝廷以堂選為重吏部為 朝廷以進用為才點責為不才而郡守縣令以點責得 浮趾集

錢之利一倍物之貴兩倍是國家操一分之柄失十分 之選用者必自郡縣守令選除如此則守命知自重而 日當十二日夾錫三日陝西鐵錢夫錢本無用而物為 不敢害吾民民知上爱我莫不懷上德臣所謂重守令 柄也臣竊計自行當十以來國之鑄者一民之鑄者十 之用錢本無重輕而物為之重輕此聖智之術國之利 為得人心者此也臣所謂修錢貨之法者其說有三 之利以一倍之利當兩倍之物又況夾錫未有一分之

というころいん 盗鑄當十得兩倍之利利之所在法不能禁也自行法 過日如慶歷之法以漸減其分數此二說皆不可也夫 利而物已三倍之貴是以比歲以來物價愈重而國用 鑄不已則物價益貴刑禁益煩而物出于民錢出于官 以來官鑄幾何私鑄幾何矣官鑄雖罷私鑄不已也私 愈屈為今之說者不過曰官既能鑄聽其自輕重又不 用之具凡所欲得者必以錢貿易而後可使其出于民 天下租稅常十之四而雜常十之六與夫供奉之物器 浮沚集

者尚以改鑄之日未久散于天下者未多死今公私之 等之至 于一貫 民之交易不能悉辨其真偽一也輸 **鈔而盡銷為黃錢此前日已行之弊也然而所以得行** 自五而為三民之所有十去其七矣小鈔之法自一百 為三自三而為小動自十而為五民之所有十去其半矣 也慶歷之法前日行之東南是也自十而為五自五而 者常重出于官者常輕則國用其能不屈乎此一不可 于官而不可得錢二也是以東南之民不肯以當三易

立りにんとう

當三然後可平夾錫必併之然後可行陝西鐵錢必通 得貿易若自便于權貨務算請諸路鹽到以一季為限 號見錢公據六等以收京師五路當十隨其錢數物直 之然後可重臣之說欲官出進納語敕與度牒紫衣師 私有五分七分之損乎此二不可也然而當十必至于 轉日久併于五路與京師者日益多其可復如前日公 于是悉以所得當十格管逐路或上供京師隨其所用 . A. Jan. 1.1. 11/ 平易之其有奇零不及數者則隨其多寡填給公據許 浮沚集

金りロアノイナー 書填舊降文字如此則無停壅之弊價輕之患矣此修 書填令來進納語較及黄紙度牒紫衣師號候畢方得 而度牒紫衣師號悉用黄紙自法行之後應官司惟得 私或損臣欲進納前日之給綾紙宣帖者悉更為語敕 用其利一也公私無所損而物價可平其利二也盜鑄 改為當三通于天下國家無所費而坐收數百萬稱之 則必停壅不售停壅不售則其直必減其直既減則公 不作而刑禁可息其利三也然而六等之説所出既多

弊其積已多輕于銅錢一之十五臣欲通于河北河東 當十錢之法也夾錫之弊其行未久輕于銅錢三之 小錢銅錢為等而大錢鐵錢輕于其所等故也何則小 定矣而更以鐵錢則鐵錢輕而物重矣物非加重本以 為虚也故錢與物本無重輕始以小錢等之物既定矣 兩路蓋錢以無用為用物以有用為用是物為實而錢 Jak as here 而更以大錢則大錢輕而物重矣始以銅錢等之物既 之一 朝臣欲併于河北陕西河東三路陕西鐵錢之

夾錫鐵錢與銅錢之入三路夾錫鐵錢之入餘路各論 過銅錢路分行用其京東京西兩路夾錫錢許過鐵錢 如私錢法如此則鐵錢與物復相為等而輕重自均矣 路分行用若河北陕西河東行使銅錢京東京西行使 河北陝西河東三路而禁使銅錢其三路所有銅錢許 而相形乃為輕重故臣之說欲併夾錫與鐵錢通行于 錢以一為一而大錢以三為十故也銅錢以可運可積 金好四屆全記 為貴而鐵錢不可運不可積為賤故也以其本無輕重

所出之數椿錢以給使便于往來其說一也朝廷歲給 路不便于往來一也拘于三路而不可通于天下不便 錢尚輕物價尚貴又有二說以濟之鐵錢腳重轉徙道 國其利二也敵人盗鑄而無所復用其利三也其或鐵 陕西鐵錢幾廢而可以復行其利一也銅錢不流于敵 逐路雜買之數悉出見錢公據許于京師或其餘銅錢 于商賈二也臣欲各于逐路轉運司置交子如川法約 路分就請以便商賈其說二也前日動法交子之弊不

數坊場買撲之數通天下五等而三之為上中下十有 法而總其鹽動算請之數買茶搭息之數榷貼淨利之 修夾錫鐵錢之法也臣所謂修茶鹽之法者臣欲并酒 是以歲出交子公據常以二分之實可為三分之用此 之利盖必有水火之失盗賊之虞往來之積常居其 金定四庫全書 可行于天下其法既行則鐵錢必等而國家常有三 椿留諸路若京師以稱之則交鈔為有實而可信于人 以錢出之不以錢收之所以不可行也令以所收大錢

吏而歲入有常其利一也产出稱錢至少而得以自便 臣誠欲廣陛下之惠息縣官之費謂應天下鰥寡孤獨 之法者前日朝廷既常修之矣然其利未廣其費尚多 其利二也小民各安其業而商買得通其利三也教盗 五等歲各出鄉若干一切她其禁令使民自便國省官 在近便寺觀隨宜收養幹種每通計及若干人給度牒 不作而刑罰可省其利四也臣所謂修居養安濟漏澤 之無歸者疾病之無養者死亡之無葬者宜令各許所

季一試官吏之勞紙劉之費悉如貢舉之法是一歲而 得度人二利也官無濫費而獲實惠三利也德澤益廣 赴歲升再試入州學一年然後補內舍三試升內舍 有四科場也豈非官以為弊乎一試入縣學一年然後 而可以久行四利也臣所謂修學校之法者誠謂前日 有五歲一應舉之患春季一試夏季一試秋季一試冬 一道如此則生養死葬者各得便一利也天下寺觀各 之法太煩而難守費廣難久官有一歲四科場之勞士

士以為患乎臣欲廣陛下教養之意而嚴其實簡有司 必遇大比是又有七年之久者有終身不得進者豈非 年然後補上舍升上舍者歲終然後入辟雍入辟雍者 教授一員舉人充之月給職錢五千學生之入縣學者 之選有學行者視其資秩為請給人從之數縣置縣學 選試之法而省其費謂宜州置州學教授一員命官充 遇大比已五年矣而況試未必得得未必有及察貢未 遇大比然後得推恩凡此數者每試必得必有效察必 字业集

武上舍取外舍十之一于是貢于太學太學總天下所 罰者各不得預試每大比之後一再武如初法會預貢 貢之數而大比馬又取十之一乃奏名而官之應三舍 通者不限以數比歲再試內舍取外舍十之一三歲再 者免試外舍至于武士之法其弊亦久人守一經無不 生願在學與游學于外者聽其自便內舍以上官給食 若在外犯公罪徒私罪杖雖贖及在學犯第二等以上

不試不給食學生之入州學者初歲一試外舍取文理

淺聞之徒多預選臣謂宜革選試之法使人試五經大 級緝時文為捷徑是以老成久學之士未必得而後生 出之題文為一格無甚高之論以博學好古為迂闊以 NA JONE KILL 所用學校益廣一利也及選益精二利也士得自便三 義各一條為第一場子史時務策各一道為第二場宏 寡學者無遇得之幸是為今日學校之所養者必為他 詞為第三場如此則才高實學者無不遇之嘆而新進 日三舍之所選今日三舍之所選者必為他日朝廷之 净业集

人月給雇直三千犯枉法自盗贓者同罪餘罪輕重有 其田别募隨其案之職務煩簡許保任書手一人至三 **殁聽以子孫家人承代試而後補犯枉法自盗贓者還** 中等三項下等四項州縣每案募更一人使世其職身 差如此則吏得久其職而可以責任一利也人知自愛 水田上等一頃中等一頃半下等二頃陸田上等二頃 利也所費至省四利也臣所謂修吏役之法者其說有 二以田募吏一說也以兵代役二說也以田募吏之法 グロナノメート

吏治皆以望重品高者為之許各辟官屬分治其事如 路只置轉運使一員使轉輸財賦按察使一員使察廉 輸不一財散而費廣權分而勢輕臣欲悉減諸司官每 利二也臣所謂修轉輸之法者臣誠以為領使太煩轉 鄉幹當公事如此則產役可省其利一也兵無冗食其 軍不足以禁軍其教閱更代差出各如本法即不得下 以兵代役之法應州產散從縣產手力悉易以廂軍廂 . 1. 12. 1 2.1.1 而重犯法二利也民不受弊三利也雇直可省四利也 浮沚集

願也 利至于事之緩急行之先後法之織悉償蒙萬幾之眼 此十說臣皆推原陛下仁聖之美意修廣今日已行之 此則權一而事治其利一也官省而費輕其利二也凡 之福天下安陛下和樂之政宗廟永寧社稷永固臣之 非敢懷邪而觀望希賣而幸進惟欲陛下受天命無窮 留神聽覽或有可采別其條對出自宸東斷而行之臣 良法于當更之時順民悦之情定一代之典為萬世之

KE DIST MILES 繼述不謨躬行周王之孝生成庶彙性由堯舜之仁每 和氣薰蒸祥生嘉穀泰符協應慶及豐年凡在照臨熟 者得時之中上以供乎粢盛下以足乎民食私園發秀 佑于皇天休順大臻嘉祥並至惟農者為政之本而禾 推四海之咸寧不忍一夫之失所格顧成于宗廟膺眷 不行蹈恭惟皇帝陛下撫千齡之目表纂七聖之宏規 代郭守賀嘉禾表 浮汕集

**匪同異畝之耕並想標可且應充箱之實固將承福基** 涕并竊以典談訓詩之書自唐虞而始見禮樂文章之 朝之慶將圖國用之饒於頌之誠倍越常品 政更秦漢而弗全洪惟治朝大興儒學續寶圖而創閣 復官資進升清切之班莫稱便蕃之命體隨驚至感與 于億載光瑞牒于前圖臣邀守遠藩預開盛事編仰聖 代言西掖詞藻非長點守東州政經無狀會達恩宥済 代郭守謝復職表

昭累聖之垂文登延侍從之臣祗若祖宗之訓鋪陳帝 瓠而無用性匪石而不移守道衡門每有終身之志觀 制宣昭聖謨况先帝丕顯之攸居實方今紹述之所本 官聯尋使事而復留階郎曹而被選以至執筆柱下 光上國偶為多士之先再試有司始階任版問關州椽 列職禁近得預時髦如臣者憂患餘生江湖末系學類 聖之知辟雜英俊之廛濫居師席學制教化之首參預 叨冒學官緣坐罷官棲運赴詢謬以不虞之譽沒蒙上

マルトロノノー **語省中歲幾九遷慮無一得皆由神聖之選不緣左右** 階而雖遠分符郡寄奉漢詔以惟寅報稱實難糜捐無 忠有餘事君盡已故因鴻霈職進華資持索從班望堯 年盡還故職此蓋伏遇皇帝陛下乾坤廣大雖過必容 之容才分叨喻言章果及終蒙睿眷尚界州符曾未期 日月照臨無此不燭察臣文采不足立身無他憐臣樸 浮沚集卷一

物皆有太極太極者道之大本萬物皆有兩儀兩儀者 欽定四庫 全書 Ja. J. 200 1.1 道本無名所以名之曰道者謂其萬物莫不由之也萬 經 浮沚集卷二 解 不知故君子之道鮮矣 仁者見之謂之仁知者見之謂之知百姓日用而 浮汕集 宋 周行已 撰

陽之妙也故曰陰陽不測謂之神不測則不可謂之二 乎兩也所以太虚之中組縕相盪升降浮沈動靜屈 日乾陽物也坤陰物也清通而不可象者為神神者陰 金八口屋人丁 道之大用無一則不立無兩則不成太極即兩以成體 不離乎二端散殊而可象者為物物者陰陽之迹也故 後然則謂之一陰一陽者不離乎一也謂之道者不離 兩儀即一以成用故在太極不謂之先為兩儀不謂 杨 則不可謂之一二即一而不離神體物而不遗見 伸

1/11/D1 2/11 乎性者也的能食則見善于養坐則見善于牆立則見 欲也然則人之有善皆得乎性者也人之有不善皆失 者天下之可惡也得性者天下之善也善者天下之可 惡則亦無欲之可稱是知失性者天下之不善也不善 此者謂之知道體此者謂之得道然是道也夫何遠之 有哉繼于善者進乎此矣成于性者復乎此矣孟子曰 可欲者對可惡之稱也無不善則亦無善之可稱無可 可欲之謂善又曰性無有不善夫善者對不善之稱也 浮址集

善參于前在與則見善倚于衡顛沛必于善造次必于 得聖人之清柳下惠得聖人之和非不善也然不可謂 知不可謂之道皆其成性之不同所見之不周猶伯夷 成性于仁者以斯道謂之仁斯道非不仁也然仁不可 無善亦不立成于性者也成于性則無不全也無不盡 善相繼無間不離于道矣善既純一則無不善不善既 金灰正及人 謂之道成性于知者以斯道謂之知斯道非不知也然 也然而命于陰陽者氣質之禀不同則昏明之性亦異

大公のころか 遠人哉孟子曰行之而不著馬習矣而不察馬終身由 察其聲音鍧鍧目視詢詢有生而已終身由是會不知 樂足運無非道者朝作暮息渴飲飢食無非道者然而 之過所以君子之道鮮也至于天下之民目視耳聽手 生禀之或偏而不知學或學之不至而小成此皆賢者 之大成夫一物之中皆具一道一道之內皆具陰陽不 能盡其大心以充其性遂以小見為大道止于斯良由 洒掃應對之妙道而耕稼陶漁之可以聖也是豈道之 沙 沙 沙 沙 沙 沙 华 沙 华

全りにたと言 陽行乎其中矣是故易之為書陰陽之道也六十四卦 之道鮮也夫所謂君子之道中而已矣或偏于仁或偏 之而不知其道者衆也此皆不肖者之不及所以君子 三百八十四爻無非是者然而得所謂君子之道者寡 中也中即性也太極立而陰陽具乎其中矣性成而陰 于知過乎中者也日用而不知不及乎中者也太極即 而深嘆夫君子之道鮮也雖然萬物負陰而抱陽誰獨 而過與不及者多此孔子繁雜所以明一陰一陽之道

**曲禮者禮之至曲者也大則簡曲則詳然由能有誠至** 自棄而學易者不可以不盡心也 人之不可以不敬也盖敬者君子修身之道也所以閉 怠斯都都者徳之賊也古之人相在爾室不愧屋漏出 于變化豈有二致哉故 其為禮者曰毋不敬所以戒夫 具無道乎及身而誠斯得之矣此所以天下之人不可 那而存其誠者也敬 斯定定斯正正者 德之基也慢斯急 曲禮曰毋不敬 儼若思安定辭安民哉

者非思也凡思者其心必有所止心有所止者其耳目 門如見大演使民如承大祭何所不用其敬哉儼若思 天也古之為道如此安定辭者易所謂易其心而後語 也南郭子綦之隱几塔馬似喪其耦顏淵之坐忘點聰 視聽必有所忘蓋其心定者其容寂此儼者所以若思 也盖一辭之不中皆心之過孟子所以謂不得于言勿 而非思也古之人知止而慮善恭默以思道此有思者 明墮肢體此無思者也無思者天也有思者自人而之

金好四度手言

心者既見乎解及其解者亦可以知其人也此三者禮 也錯乎其下者如此民所以安之之效也匹夫而有此 定也舉乎其上者如此所以安民之道也愛也敬也應 安定解則其言善其言善則民莫不應矣敬也儼也安 于為天下莫不一于是故敬則無敢慢無敢慢則民莫 求于心不可而頗之養正君子所以慎言語是以存于 不愛矣嚴則人望而畏之人望而畏之則民莫不敬矣 之大節君子學道之要也自天子達于庶人自修身至

WANTER CALL

浮沚集

必有安民之術天子而有此必有安民之事故曰安民 傲不可長欲不可從志不可滿樂不可極

恃天德從欲以喪天性所見者小則其志易滿天道虧 矣所慕者外則其樂易極天理減矣人之所以為人者 之不明心之不存則在我者與天不相似故有長傲以 君子所以知天者知其性也所以事天者事其心也性

天也失其天豈可謂天之人乎此其喪精失靈皆可哀

物為物則我為之役矣物我既交愛心生馬忘已而徇 對故也凡人之所以有欲者何也以其有物而已矣以 物之上者是也是傲也非世俗之鄙心也道獨尊而無 之民也原夫凡人之所以有做者何也以其有我而已 矣以我為我則彼為之對矣彼我既分勝心生馬强此 輕彼適所以害我是心也且不可有死可長乎若我既 而为彼此所謂傲也彼既自彼我既自我傲且不足以 無我則彼亦無彼何傲之有彼有大傲者爲傲睨乎萬

則我亦無我何欲之有彼有大欲者馬從心所欲不喻 適所以喪我是心也且不可有况可從乎若物既無物 物此所謂欲也物既自物我既自我欲且不足以益我 金斤四人全言 樂固不可極而凡人之樂所以有極者所樂者偽也故 也志固不可滿而凡人之志所以可滿者所志者利也 矩者是也是欲也非世俗之鄙心也道無心而不留故 之不亦隘乎故大志者古今不可以為限固不可滿也 其志在利者利得其志必湍志湍者必驕由志道者觀 卷二

The Total Act 斯而已矣 者必可謂之大人矣君子之學去其小者存其大者如 極也然則斯四者為之小者必可謂之小人矣為之大 不亦鄙乎故大樂者天地不能變萬物不能易固不可 所樂在物物得其樂必極樂極者必淫由樂道者觀之 善積而能散安安而能速臨財毋尚得臨難好尚 免很無求勝分無求多疑事無質直而勿有 賢者狎而敬之畏而愛之爱而知其惡僧而知其 沙山县

善之可親狎而敬之而不失其尊畏而爱之而不失其 親也其威嚴可畏也親之而不知敬則其流必易畏之 後能與人能與人然後能善世此學者本末之序也天 君子之于學也能親賢然後能明善能明善然後能至 親君子之親賢有如此者天下之敬莫大乎私天下之 公能至公然後能無累能無累然後能自立能自立然 而不知愛則其漸必碌易則不知善之可尊疎則不知 下之人莫不善也賢者先得乎其善者也故其温良可

而不能散乎凡人之所以居安者必以為我所安也惟 故能不以一已之爱憎而易天下之善恶君子之至公 以所憎蔽于所不憎乃天下之公惡也惟能公于好惡 也無私惡其所惡者必不善者也故所愛者善也不以 明莫大乎公君子之于人也無私好其所好者必善者 者能以天下為度則不累乎物存人者猶在已也奚積 所愛敬于所不愛乃天下之公好也所憎者不善也不 有如此者凡人之所以厚積者必以為私所分也惟公 光江广

子之所以自立有如此者今天下之所以好勝者為其 道故不累乎身內外無累故可以得而得無心于得非 苟免惟君子忘物所以立我故不累于物忘我所以立 夫累于物者則臨財必求苟得累于身者則臨難必求 安而不能選乎惟其能散也故散而不失其所積惟其 公者能以天下為空則不累具居在彼者猶在此也美 能遣也故遠而不失其所安君子之無累有如此者若 所謂首得也可以免而免無心于免非所謂首免也君

金安四屋全下

卷二

使天下之疑者不疑先質其疑則天下疑矣惟其大直 之所以疑也衆人之曲君子之所以直也然而君子有 天下莫能損矣的持是于天下雖之蠻貊而必行入際 勝矣的能遺物而常處其不足則人之分者不求多而 同天下之志而無善一已之心故致其大知以釋其疑 鹿而不亂君子之所以與人有如此者君子之知泉人 能忘我而常處其弱則人之很者不求勝而天下莫能 くれ 日日 という 不能忘我也天下之所以多得者為其不能遺物也尚 浮沚集

君子之所以必在必敬者非所以飾外貌所以養其中 能或曰毋或曰勿語其志則一也 凡此數者君子之所務而衆人之所深戒者也故或曰 直所以欲天下之皆得其直也君子之善世有如此者 直矣故不質其疑所以欲天下之皆致其知也不有其 也蓋其心肅者其貌必莊其意誠者其體必敬為尸者 以直其未直使天下之不直者直先有其直則天下不 金安中屋人 若夫坐如尸立如齊禮從宜使從俗

慮是心也聖人之心也顏子三月不違仁不違此心也 如之方是時也其心寂然而無一物其字顯若而無他 則神弗接之矣必莊必敬然後可以為齊故君子之立 以為尸故君子之坐如之為齊者所以接神不莊不敬 所以象神不莊不敬則神弗臨之矣必莊必敬然後可 . /. / / / / / / 者舍是亦何所求哉古之人何獨坐立然後如此此特 此心也聖人常顏子久其餘暫百姓日用而不知也學 其餘日月至馬至此心也聖人從心所欲不喻矩不喻 海山江

過小人不敢不及一定而不可易者也循規矩設而不 禮者中而已矣萬物之至情天下之達德也君子不敢 是顛沛必于是所以存心養性大過人遠矣此學者入 衡出門如見大賞使民如承大祭非禮勿視非禮勿聽 舉其大端而已也立則見其參于前在與則見其倚于銀原四人年 銀牙匹月年日 徳之要不可以不思也禮從宜使從俗馬鄭之說備矣 非禮勿言非禮勿動無須史之離終食之違造次必于 夫禮者所以定親疎决嫌疑別同異明是非也

The sound letter 哉此所以有禮則治無禮則亂也 馬而無以辨則總總林林亦何以相與立于天地之間 異者于此可以别天下之是非者于此可以明苟舍是 者于此可以定天下之嫌疑者于此可以决天下之同 禮者正而已矣妄說人非正也解費非正也何也令人 之所以妄說人者不有求于人必欲追己責也人之所 可欺以方圆繩墨陳而不可欺以曲直故天下之親疎 禮不妄說人不辭費 浮沚集

禮者分而已矣居下而犯上則喻上之節不知下之分 費于解哉說以其道者正說也君子有之解取其達者 且游者亦聖人以為躁而誣善然則人亦何取于妄說 正辭也君子有之說不以道亦人之所不說而辭之多 于命何為而妄說于人哉君子不於而過必改何為而 以辭費者不有於已能必欲辭已過也君子無求而安 與解費哉此禮所以不為也 禮不踰節不侵侮不好押

人口区屋 在日

之心也天下莫不為利豈人人為跖也敏哉非也方其 V. 15 1 1.1. 此所以作事可法容止可觀而為萬失之望者也 禮而知分故居上不驕為下不亂與人不爭處已必敬 不為善豈人人為舜也數哉非也方其為善其心則舜 孳孳為善者舜之徒也孳孳為利者跖之徒也天下莫 也居上而偏下則喻下之節不知上之分也侵侮者失 不知人之分也好神者失已不知已之分也君子明 修身踐言謂之善行行修言道禮之質也 净让集

踐言謂之善行行馬敬則行修矣言忠信則言道矣故 修言道所以為禮之質也尚無其質雖習于曲禮威儀 言者必忠忠與敬者善之大端入德之要也故曰修身 之何斯可以為善矣曰修身也踐言也修身者必敬踐 日義以為質禮以行之又曰忠信之人可以學禮此行 而必為然後能為大善舜之所以為舜者以其樂取諸 為利其心則跖之心也故人不可以不為善也雖小善 人以為善聞一善言見一善行從之莫能禦也然則如

之多君子不謂之知禮晚周之衰天下士大夫既其文 火迁四三人二百 博施濟東而孔子乃于其老者安之朋友信之少者懷 欲無一夫之不獲其所而天下之人皆至于道聖人在 華此豈吾聖人所謂禮云禮云者乎 而不既其實莊周寓言矯弊遂以為忠信之薄而道之 君子有財以給天下之求有道以應天下之問其心必 上則行其道聖人在下則懷其志故堯舜所以猶病于 禮聞取于人不聞取人禮聞來學不聞往教 净沚集

樂者樂斯二者是也君子之為人不惟率性守質而已 以在彼而不在此也 之此豈取人而往教所得周哉蓋取人則失已往教則 孔子曰立于禮成于樂孟子曰禮者節文斯二者是也 之人皆得預被其澤而有足者咸可以至于斯此禮所 以求正馬則已立而給不匮道大而應無方然後天下 枉道聖人中道而立使天下之人皆得取于我而來學 文之以禮樂

1,101 1 11110 豈禮樂之不及數蓋以謂不足為而不為耳天下之谷 無益而又害之者是也不能為者華華馬拳拳馬守 莫大于不足為不能為者次之不足為者曰禮與樂者 及非有過人之智而後能也今之修性學道及不能馬 為美則必飾以組編然後謂之備服此庸人匹夫之所 則必塗其垣牆然後謂之富室有愛其身者知衣服之 固有禮樂以文之也令人有大其居者知丹膜之為麗 人之文也吾將游乎天而皆不足為也孟子所謂非徒 沙山集


道馬而已性者道之質也禮樂者道之具也上馬者生而 以終其身者雖然禮樂非有異于人之性也學者止于 知公綽之不欲下莊之勇冉求之藝所守一善占一藝 甚矣嗚呼胡為學聖人者反樂此之異哉若臧武仲之 放交通之情皆不若相忘之為愈此其寡恩于禽獸也 欲置天下于無而人之所以相生養之道與其所以惟 善占一藝以終其身則其無咎也亦有問矣彼之自絕 于禮樂者其學盖出于老氏齊其上下等其君臣漠然

嗚呼孔子之生所謂不幸之幸者也不幸而生于世衰 當時有孟軻者師其道于後世而聖人之道庶幾乎有 道微終以窮死復幸而得賢弟子有顏回者師其道于 謂之成人可也然則聖人豈異于人哉 能之中馬者學而能之下馬者勉而能之及其至也皆 傳雖然吞嘗謂為顏囘者易而為孟軻者難揚雄所謂 在則人亡則書其說盖亦未盡也譬夫見龍而象龍與 乃所願則學孔子也

金定四庫全書 聞而師之于後世者難知其難而能難者後世有孟軻 力若夫目之所未當見耳之所未當聞而區區求諸有 求其心雖然有得于中然後合之于聖人之道果無以 言所不能傳而非言亦無以傳是故善學者因其言而 無之間而擬其形容故畫者難為功也雖然聖人之道 不見龍而畫之者形容具存而耳目可及故象者易為 異也而後為之是亦聖人也故見而師之于當時者易 一人而已孟軻真知孔子者也故其言伯夷伊尹柳下

從而為之辭曰乃所願則學孔子也故言伯夷之清柳 惠以謂皆得聖人之一偏而獨推尊孔子為集大成又 也有力者皆能至其在東西上下未可知也惟巧者能 之以巧盖巧者能中而力者能至也夫射者期至于的 惠之道或清或任或和皆東西上下者也孔子之道 人之中也行之萬世而無弊伯夷伊尹柳下惠聖人 中于的故孔子之道無可無不可者也伊尹伯夷柳下 下惠之和伊尹之任則譬之以力孔子之集大成則譬

過也天下之賢者行之而無弊不肖者行之而有弊天飲定軍全書 **欽定四庫全書** 也其過者權道也伯夷伊尹柳下惠之憂後世也深孔 故學者必明夫聖人之心此不可不知也 子之慮後世也大其立教異也其心則皆聖人之心也 下之智者行之而無弊愚者行之而有弊其中者常道 浮沚集卷二



議者欲因二郡之衆建策入闕向使從其言是委成業 向傳檄而天下定矣世祖方得二郡之助而衆兵未合 祖循豫而未决得韓信一言遂任武勇封功臣决策東 請舍其說而備言之夫漢與之初劉項雌雄之未判髙 者能為之也東漢之典始于邳彤之一言其亡也始于 其亡也始于張禹之一言然而西漢之典亡亦非二人 胡廣之一言然而東漢之典亡亦非二人者能為之也 興亡則斷可知矣何也夫西漢之典始于韓信之一言

基絕于此矣質帝之没建立之權係于大臣胡廣以國 言其弊反引春秋之事以為說說王氏既固而漢祚之 元老天子猶豫躬萬乘而下問馬禹乃私已畏禍不斤 地震災異将臻吏民上書皆言王氏之盛張禹以國之 大功立矣夫二京之典是二人之力也孝成之世日食 之舊臣朝廷倚重不從李固之忠言而苟合梁冀之都 而臨不測漢之為漢未可知也邳彤廷爭光武一悟而

大小日、山山

謀旨主立而漢室衰矣二京之亡此二人者實任其責

澤施于民之久也然而奮衣提劔七年而成帝禁成功 取也陳項之鋒銳不可嬰萬祖非有祖宗積累之休德 之則夫社稷之興亡豈一人之力哉且以秦失其鹿天 穆不已詩人以為天之命夏禹之立啓孟子以為天與 亡雖因是四人者而求其所以與亡蓋亦久矣周之於 而亡則是人之罪也一歸于天者非也然而兩漢之典 也故曰由是人之言而與則是人之功也由是人之言 下共逐之智者用其謀勇者用其力人人皆以為可立

東京自桓靈之後庸君繼出禮樂政教不足以維持國 響應昆陽之役一舉而天下為漢宜陽之師不戰而亦 雄也語其謀非若高祖之洪遠也然而奮臂一呼四方 磨牙搖毒以相遊螫世祖之與語其才非若萬祖之英 之速抑何由而致之哉新室之亂盗賊强梗羣聚山谷 家恩惠德澤不足以浹治生靈委政外家權臣擅命因 縁積習以低于亡其間略無一君聰明香斷為之扶衰 眉東手者此豈一人之力哉及其衰也西京自成帝而

慎也兩漢之與後世必歸其功于韓信邳形故讀其史 人之所為也一歸于人不可也雖然人臣之言不可不 振朽此又豈人之所能為哉故曰國家之典亡天也非 勣乃畏禍從而道之武氏奮而唐之宗族戕滅殆盡國 則有深嘉而屢歎者矣兩漢之亡後世必歸罪于張禹 房易奪大臣不從李動以老臣輔少主天子委誠取失 世也嗚呼人臣之言不可不慎如此昔唐高宗之世韓 胡廣故讀其史則有您懣而謾罵者矣皆不可逃于後

金灰四年全書

史而泥其迹亦何異于指釜為魚哉愚所以推其意而 而國家之有是事也是人也亦天之為也故學者讀其 祚幾絕議者以幾千一言喪 那此張禹 胡廣之類哉然 併以獻馬 今之天下古之天下也一何異于古乎古之民今之民 二府登賢非禹稷皐陶之盛耶然則十八路之地數百 何非于今乎豈九重審聖不追堯舜禹湯之隆而 風俗盛東

惡則安于為惡郡守縣令民之師帥而風化之所瞻也 雖吾君吾相相與願治之勤竊病下民之未盡知也豈非 是以主徳不宣恩澤不流而民之利害壅于上聞也則 之而可百里之縣未得其令也千里之郡未得其守也 積習之俗未革于忠厚漸清之風尚弱于偷薄粉誰責 必治敏嗚呼甚哉民之無知習見善則安于為善習見 為更者鄙不足以推君之治而致之民則所以治者未 州之民倉廪實而禮節或未治既庶富而教化或未及

金安四是全

道民之道可不慎哉及自載籍之傳其治道之得失習 1/1.10 1 hr. 不仁君義莫不義行者修悍者愿躁者態農莫不以力 之人贵恕僖公好儉而晉之人蓄聚熊之人敢于急召 俗之美惡流風遺烈百姓猶有存者故太王好仁而郊 于久安而成俗也故三代御俗有風化有法制君仁莫 矣其于教也勤而不怠緩而不迫欲民漸習而趨之至 好且變鄰俗紫衣賤服猶化齊風故聖人之于仁義深 公之遺風也朝鮮之人至于有禮箕子之教也長纓鄙 字山果

則思先王之義而不敢作蓋其所以有民者深而禮義 民以奇刻民有畔心則思先王之仁而不思去欲為亂 均賦稅宮室器用各有制衣服飲食各有度此法制之 百年而傳三十六王後世雖法制之去而暴君污吏妻 行也風化所以動民之心法制所以定民之志法制立 盡學此風化之至也分地以建國度土以居民正井邑 而風化行故康恥與而忠厚之俗成薰為太平垂祀八

盡田買莫不以察盡財工莫不以功盡器士莫不以道

金グロンと

盗賊所以未息刑罰所以未省庸吏擾之也欲善俗莫 得貪吏則盗竊之俗勝矣得酷吏則忮暴之俗勝矣故 俗得良吏則敦厚之俗勝矣得健吏則節義之俗勝矣 道類非俗更之所為者此也故有偏樂之政有不勝之 天下者莫不有法制亦莫不有風化然一授非其吏則 之風未衰廉恥之心未盡也後世欲治之主欲所以治 刑罰勝而仁義之道不行故法制壞而風化不宣于下 1. Jo. . . . . 國異政家殊俗賈誼所謂移風易俗使天下同心而向 \*

華山之縣耳然後行遠乎竊惟今日之盛豈無若是數 則因循而不為慮此所以積習之俗未革為忠厚漸漬 黄霸化以寫厚若是皆故民風之失起不舉之教何必 以學校南陽好商賈召公富以本葉賴川好爭訟分異 若擇更然良更之所施設則各論俗而尚教奚必同條 至第四月生言 ! ! 之風尚溺于偷薄盗賊或未息刑罰或未省也為今之 人者足以治天下而郡縣簿書期會為務而風俗壞敗 而共貫哉若龔遂為渤海首率以儉約文翁為蜀光化

說莫如除法建符妙簡銅墨以是重其任至其點防亦 曹謂有聖人之學而無不可成就之才然古之常人每 聖人者吾不知其果何事而昔之人當以管仲許人者 足以過人而後世卓華高才有不及馬何也是非出于 彼乃恨然見于顏色而甚不取之至于子路則曰吾先 以是則何患乎不若三代之盛時哉 天者不同而所以成就之者異也古之人其所以學于 孔門四科兩漢熟可比

. Ja lac . 1.1 .

金只正人生 者而進夫子路之所未就者數蓋其學不同也是以劉 者而深畏其所小者此其志豈不欲為管仲之所已成 子之所畏也夫子路之才不過足以牢百里而管仲相 子善人也信人也夫學者至于自信則本立矣積而充 向比仲舒于伊尹而散以謂師友淵源未及孔門游夏 桓公霸天下其功烈赫赫如此是人也乃獨羞其所大 之以至于聖人無疑也然則士之學亦必先正其本而 此誠知言故為樂正子得聖人所學之要孟子曰樂正

然自得而後已夫是故雖愚必明雖柔必强而孔孟之 成就其大則必有大過人者矣此孔門之學其見于答 問之問雖循循有序而不相職然自洒掃應對以上要 各因其仁智之見而成就其才此學不傳而道不明于 人者是非謂其才皆足以過人謂其得聖人之學者亦 徒所尊畏者不過四科至于他所學存于已亦皆有過 皆所以去其養心之害而導夫至正之路必便至于確 天下士之習尚又或蔽于一時之俗而激于當世之風

多矣然而龌龊康謹無能往來當時以為德行而不可 若西漢之尚功名東漢之尚名節及方之孔門四科則 者如楊雄蓋後之人當比之孟子則四科之列優為之 為政事而不可比之冉有季路又其間卓然為學聖人 為文學而不可比之游夏發好摘伏條秋可觀當時以 此之字我子頁附會陰陽之說奉合異同之論當時以 方之顏関從容平勃越遊二帝當時以為言語而不可 不可同日而論盖嘗觀其名實班班為史氏所稱道者

金定四月全書

卓爾之故孔子已許之可以共其出處則得其所施設 未發之際其所以未至于聖人一間者持有見于所立 之學孔子盖當存心于視聽言動之間而得之于哀樂 者亦必求其所以存于心者而不必事為已效若顏子 孔子之道有所未至而皆足以知聖人之要故其所謂 又可知矣若夫宰我子貢冉有學聖人之道者也雖于 乃不如子貢之足以知聖人也又况其餘乎嗚呼觀人 也而觀迫于禍患曾微顏子之樂其貧賤而者之于書

沙字百号 三言

浮沚集

載問豈無豪傑特立之士能傅聖人之學于千百載不 夫豈少哉 黃憲徐孺子真顏子之流至于沈 其光耀而不得聞者 傳之後不幸不得有為于世而又不幸不得聖人發明 而雜出于傳記很與下概同流亦不無其人而愚亦謂 事也雖然是數子雖不得盡用于世得夫聖人明之以 他行言語文學政事也非後世所謂他行言語文學政 有聞于後世故學者因以得其言而及之若兩漢數百

策問 聖賢之學

食歌飲不改其樂夫子稱其賢不遷怒不敢過夫子稱 則曰既竭吾才如有所立卓爾若與今之所謂學者不 其好學乃若言志不過願無伐善無施勞而喟然之嘆 最稱高弟後世學者皆曰吾師及其志葉蓋淡如也軍 問昔吾夫子居于洙泗之間從之遊者三千人而顏子

浮沚集

賢人也而去孔子一間者也此可以為知言矣然猶意 此無足疑也而世之學者皆曰夫子大聖人也顏子大 推稱顏子蓋當以為與夫禹稷顏同同道學者論世尚 世宜其前無愧于古人乃其所願猶吾夫子學而所以 不知夫子之門果何所學乎夫以孟子之雄才卓然名 王者之事古人不吾敗也遐想高風若有不可及者抑 友不可以不知也昔人當以子貢賢于夫子嗚呼賜也 不敢望回况于夫子哉夫人之知人不若自知之審

全写 ロート かっし

久矣有人于此猶見聖人之心默得聖人之道是得其 之學者知聖人之道将何自而入入聖人之門復何修 先而熟後乎讀其書不知其人不可也如或知之便後 願而學之乎如其學于孔氏之門也比德顏子又將孰 道而顏子之所以賢而去聖人一問者果何事使孟子 其人云爾吾亦云爾柳不知孔子之所以為聖者果何 生于孔子之時亦將並駕其說于天下乎將果如其所 而至韓愈曰軻之死不得其傳信斯言也聖學之不傳 老工 小

一母皮でう今全書 温寬栗剛而無虐簡而無傲樂德樂語樂舞典樂之任 傳于千載不傳之後矣是亦吾孔孟之徒矣此學校所 也兩者為教將同乎将不同乎何其待之異也抑又有 待國子自免舜近于成周未之或改豈人心固同數讀 問孔孟而上教化一出于官長司徒以待萬民典樂以 以當講也各示所見無隱 其書曾開其略矣三教六德六行六藝司徒之任也直 司徒典樂之教

孟而下曰師曰弟子云者乃王澤既熄之後獨臣遊士 我欺遐想遺風使人抱經而嘆何其高且遠也今諸君 将躬率以正善其耳目且猶不可况載色載笑告之話 言又可乎乃能使鄉人共進此道其術安在周公必不 用心也若聖與仁吾夫子所不敢居也司徒與民固遠 能立于禮子實則不至職等以賊夫人之子非先王之 Julian hi 從事于兹出于天子命之亦古所謂教官之屬也若孔 可疑者成于樂學之終也為國子者豈皆不待下學而 浮江集

金といいてんという 舜而魯人以為東家丘夫人好惡之相絕豈直為尋常 區區慶世之所為私淑艾可也不足為今日言也 好之其不善者惡之此其為好惡之說甚審也然而物 之間我昔人有問于吾夫子者曰鄉人皆好之何如曰 問章子通國皆稱不孝而孟子為之禮貌仲尼賢子堯 我異觀是非相好彼其善者曰吾所好者善也所惡者 未可也鄉人皆惡之何如曰未可也不如鄉人之善者 好惡

善惡好惡不能定于一鄉而况于天下乎昔許劭有人 其不善也然則所謂善與不善又熟從而定之哉嗚呼 偷鑒汝南之俗號為月旦評至同郡畏其名節豪傑資 也然而必以有道而興無道而亡是以周過其歷秦不 其品題其所裁量遂為覈論豈其知人之性素明成敗 問三代以來一 之迹已驗數 王道 姓傳有天下受命而王歷數久近皆天 浮沚集

道者何道也必有取法于斯若孔子孟子云者何事也 乎仁義道德之實達乎三王之法而覺乎歷世之道見 事孔子孟子言王道詳矣諸生習乎詩書禮樂之文心 及期由漢色唐問不由此書曰與治同道問不典與亂 歷世得之多得之寡者何代也損之益之施于令者何 其始而知其末聞其風而知其自敢問王道之所以為 同事罔不亡敢問歷代之所以與者何道所以亡者何 宜也詳言之無隱

乎其萃者也從之遊者沐四之問問問行行疑者有質 問者有答惑者有解失者有救親炙漸磨所得博矣蓋 問孟子當謂聞伯夷之風者頑夫廉懦夫有立志聞柳 聞者莫不典起且仲尼之于二子者可謂出乎其類拔 Jr. ) 1 1 1 1 1 0 懦鄙薄之比哉然而以由之果而有愠見之稱以求之 非特聞風而已矣三千之徒稱善七十二子又豈有頑 惠之風者鄙夫寬薄夫敦奮乎百世之上百世之下 孔門數子得失 净业集

藝而有聚飲之貪以賜之達而有價殖之汙宰予忘父 復我 子之失古人不我與也以為質之不美數則其賢又列 母之愛而必于短喪子夏捐道義之樂而悦于紛華數 古之學者入道自有攸趣未易窺較與不然胡為其然 聞夷柳之風其效若此之盛豈吾聖人又或少貶耶柿 于四科馬以為自外入不能盡性之所充數而孟子謂 耶諸君仲尼之徒也于數子之得失商確之審矣明以

以為君子小人所以為小人而已矣且以治世之君以 小人而不用君子以至于亂亡者誠亦不明夫君子所 日從事于斯如有道人主進君子而退小人使昭然不 甚哉君子小人之難知也君子于此必有道矣諸君 自古人主亦未嘗欲用小人而不欲用君子然而卒 問為天下者用君子則治用小人則亂此甚不難知也 君子為君子而用之亂世之君以小人為君子而用之 V. V. V. 君子小人 -宇上集 用

盖天下未曾無事惟其安不忘危所以常安治不忘亂 疑于其間將何為說願預聞馬 時幾至刑措而賈誼有流涕太息之言唐至貞觀米斗 做戒于無事之時國家承平百有餘年自三代以來未 所以常治雖堯舜之為君禹舉陶益稷之為臣不能忘 三錢外户不閉可謂治平矣而馬周所建言皆切一時 問古之人有一言而可與邦者不可以不知也漢文帝 賈誼馬周所言

問為天下者莫急于得才學校所以養才也科學所以 才諸君自視寧將歉然盍亦言之以觀諸君之才之識 者乎夫賈誼洛陽年少馬周常何家客彼皆有王佐之 有如今日之盛也然欲不忘做戒于無事之時以防危 取才也方今內有太學外有郡縣之學太學養士數千 如何其小大遠近也 亂于治安之日將亦有所謂流涕太息事有切于一時 .... 學校科舉 净汕集

一大安匹を全して 斯久矣必知其說知其說而不以告也可乎不可 所以養之之道以益今日之所未至科舉之外設所以 有所未至而取之之法有所未盡乎將欲學校之間講 而科舉三歲所取進士經律特奏名率千數百人不為 百人郡縣之學多者數百人少者數十人不為不盛矣 取之之法以廣今日之所未盡亦有說乎諸君從事干 不多矣然而朝廷議者猶患人才之難夫豈養之之道 煮海榷酤之禁 惠三

雖日殺之不可禁令郡縣斷罪犯此两禁者日相屬也 得而禁之弛之弗禁固不可也禁之已與又將可乎 夫既曰利矣為國者曰利吾國為民者曰利吾身夫馬 法此甚萬之論不可行于今然而利之所在民自從之 問煮海榷酤之利縣官經費仰給居多或曰非三代之 Valorial Lilia 如欲弛其禁易其法使國有歲入之常而民免抵罪之 為利與之已甚則羣聚而為盗此不可以不長久慮也 犯此兩禁者類皆無賴等死之人禁之稍寬則容奸而 浮址集

垂統必有可傳之法持盈守成必有善繼之事自天子 治安無事若此其久也其間聖祖神孫盛徳相繼創業 内無鬼攘之變外無邊隅之虞自三代以來未有天下 問宋有天下百數十年朝無威福之臣野無豪猾之好 虞豈無策乎諸君生長于斯固所耳聞而目見者也其 必有憫馬于心者武為詳言之 詔書朝廷故事至于名臣奏議天下所耳聞而目見者 本朝治法

甚高未學晚生尚不能知其言兄能達其心乎彼其為 問近世學士大夫多引佛老之說以輔六經之旨其論 為講之以為今天子之獻 也諸生有志于任可得不知乎詩云於戲前王不忘試 戲論為勝負之說非學者之談也學者或以謂老佛與 獨尊為儒者曰自生民以來未有夫子也吾道尊此特 老者曰道先天地生吾道尊為佛者曰天上天下惟我 Talor Ain 佛老與儒者之道同異 浮趾集

吾儒旨明一性其道同或以謂老氏廢仁義禮樂佛氏 心以俟者也 明其為心之道以定異同之論啓兹未悟同于大通虚 門乎果不同也則老佛之言豈得以證六經之說乎此 乎其不同乎果同也則三者盍混而為一何紛紛其多 為說者曰將無同當時以為名言夫所謂三語者果同 栗君臣父子其道異昔人蓋有以是三者異同為問 其 五丁ロナル 台画 不敏之所疑也諸子直該多聞試為略其立教之迹而

篇深明大儒之效而或者疑其有性惡之論揚雄之作 法言采掇孔孟學行之意或者疑其者剧秦美新之書 說而或者疑其說時君以湯武之事首死之書三十二 問天下之所難知者非是非之難知也似是而非者難 子無所稱述此四書者與五經諸史並行于世學者之 知也似非而是者難知也孟軻之書七篇力陳仁義之 王通之為中說規模論語答問之義或者疑其房杜諸 孟荀楊文中四子是非

所習也放其言與其人其似是而非耶其似非而是耶 金灰四尾一全香 明以復我使不陷于邪説以應朝廷之命不亦善乎 江集卷三

欽定四庫

書集部

浮业集卷四至

侍讀臣孫球覆勘 總校官編修街臣朱 鈴 校對官待部臣胡士震 腾绿监生臣許 洛

詳校官庶吉士臣陳若霖

くこう・・ dissolate and the productions SECTION OF 來世其至矣先天下而開其物後天下而成其 AND REAL PROPERTY. 而天地萬物之情見聖人之 一因而重之孔子繫之以 周行已 撰

以易有太極是生兩儀太極者道也兩儀者陰陽也陰 化之道也散而在野則有萬殊統之在道則無二致 **凶六十四卦三百八十四爻皆所以順性命之理盡變** 務是故極其數以定天下之象著其象以定天下之吉 發其知情偽出馬萬緒起馬易之所以定吉山生大 極莫不有兩儀網溫交感變化無窮形則受其生神 也故易者陰陽之道也卦者陰陽之物也爻者陰陽 道也太極無極也萬物之生負陰而抱陽莫不有

是以六十四卦互為其體三百八十四交互為其用速在 索卦則拘而無變非易也以一事而明爻則室而不通 有定象事固未始有窮而爻亦未始有定位以一時而 所繫其用至神而無不存時固未始有一而卦亦未始 卦之象馬莫不有文之義馬至哉易乎其道至大而無 之動也卦雖不同所同者奇耦及雖不同所同者九六 八荒之外近在一身之中暫于瞬息微于動靜莫不有 易也知所謂卦爻彖象之義而不知所謂卦爻彖象

金安四度一全書 與天地同其德與日月合其明與四時合其序與鬼神 之用亦未為知易也由是得之于精神之動心術之運 言知未形未見者不可以名求則所謂易者果何如哉 合其吉必然後可以謂之知易也雖然易之有卦易之 禮經三百威儀三千皆出于性非偽貌飾情也鄙夫野 此學者所以當知也 已然者也卦之有爻卦之已見者也已形已見者可以 禮記講義序

器服之用其形而上者極于無聲無臭之微聚人勉之 也盖其所有于性感物而出者如此天尊地卑禮固立 暴夫悍卒莫敢狎馬彼非素習于數與邀譽于人而然 設而彰聖人循此制為冠昏喪祭朝聘鄉射之禮以 君臣父子兄弟夫婦朋友之義其形而下者見于飲食 矣類聚羣分禮固行矣人者位乎天地之間立于萬世 人卒然加敬逸处避卻而不敢受三尺重子拱而趣 上天地與吾同體也萬物與吾同氣也尊卑分類不 行

銀定四庫全書 之過也秦氏焚滅與籍三代禮文大壞漢興購書禮 先進之從盖所以矯正反弊也然豈禮之過哉為禮者 也忠信之簿而情文之繁林放有禮本之問而孔子欲 自古始下建五季質文不同罔不由是然而世有損益 賢人行之聖人由之故所以行其身與其家與其國 惟周為備是以夫子當曰郁郁乎文哉吾從周遠其弊 其天下者禮治則治禮亂則亂禮存則存禮亡則亡 九篇雜出諸儒傳記不能悉得聖人之旨及其

多在于動容周旋之際此學者所當致疑以思致思以 能得其理然則禮之所以為禮其則不遠矣昔者顏子 聖人之歸惟達古道者然後能知其言能知其言然後 其所入博而約之亦可弗畔盖其說也其粗在應對進 之肆珠珍器帛隨其所取如遊阿房之宮千門萬户隨 義時有抵牾然而其文繁其義博學者觀之如過大 退之間而精在道德性命之要始于童幼之習而卒于 NACTOR ALL 一所以從事不出于視聽言動之間而鄉黨之記孔 浮址集

達也 論 語序 卷四

天命之以成人而已堯舜湯文化人以其德者也孔 聖人達則化人以德窮則教人以言其窮也其達也皆 以其言者也由堯舜至于湯五百有餘歲其化爱

失而湯救之由湯至于文王五百有餘歲其化寝失而 孔子救之由孔子至于唐千有餘歲其化沒失而未曾 救之者盖聖人之徳不可以傳而其言可以載也

周之時先王之教既以寝息非特在上無其人在下亦 不可以傳而其化行于五百餘載之間而已言可以載 其事君盡禮非節也而或謂之蹈其稱君知禮非黨也 由是親馬則天之于聖人或窮之或建之豈虚言哉晚 其人矣孔子不得見聖人又不得見君子與善人則 在下可謂無其人矣上下無其人則熟能知之耶 上可謂無其人矣未見剛者又未見自訟與好徳者 無聖人出而中人行其言亦可以教化于天下

|一金炉四层全 知之者儀封人而已鳴呼可謂窮矣其窮如此亦可以 者顏子而已外之人或小知之者達老黨人而已能大 不免叔孫之毀或尼于陳或屈于衛可謂不見知于上 不正也而或以正之為迂于宋則有桓魁之患于魯則 而或謂之黨固不可不疾也而或以疾之為後名不可 下矣當是時內之人能淺知之者子貢而已能深知之 已矣然猶與物紛紛役役相應以言者亦曰天命我以 其言教人而已或見其處已或見其處人或有以明日

之命而已以非人力之所能致也景公不用也則其行 道者三以君子之德不可不循也文之未喪將喪則任 中人而發爾是故絕之者四而衆人未能不可不知也 試其所為而稱之其言雖周旋曲折千變萬化無非為 善惡之實或有以辨其是非之似或有以殺其失或有 こん フェイン・・ 也速去他國之道也桓子不朝也則其行也遲去父母 于天而已以非人力之所能為也道之將行將廢則委 以長其善或當其無事而言之或因其有問而告之或

Z 金安四屋一全書 之所可知也教之者四所以成君子之善也惡之者三 之以禮不可無而儉亦不可舍也使之媚已則不諾使 可有不可也衆之拜上則不從衆之純晃則俯身而從 可有不可也于孺悲而不見于童子而見馬以義之有 國之道也于陽貨則不見而于南子則見馬以勢之有 以中人之所難言也所雅言者詩書執禮而已以中人 從仕則避言以諾之以正不可忘而權亦不可發也 此之類皆可以見其處已也所罕言者利命仁而已

名也篤于仁而已此至徳也不累于厚利也篤于義而 人也商則曰有三仁馬以其亡在于失人也不累于高 亂在于失人而已于舜則曰有五人馬以其治在于得 慎也言其友之所損益以求諸人者不可不釋也凡此 保生而事人也言其樂之所損益以修諸內者不可不 能盡性以至命也死與鬼神則或不得而問以其未能 類皆所以見其處人也世之治在于得人而已世之 以默小人之惡也性與天道則或不得而聞以其未 子貢者以其能為此也交久而不狎富有而不於是 之文者以其能下人也其志于學無志于仕不隐已之 其二以服事殷謂之至徳者以其篤于義而不累于利 已此亦至德也故春伯以天下讓民無得而稱馬謂之 所短不揜人之所長是人所難為也而有以與曾哲與 也不上人也下之而已不抑人也推之而已好學不取 至德者以其篤于仁而不累于名也文王三分天下有 下問而謂之文者以其能下人也文子薦其家臣而謂

金定でを了全書

怯 實不可以偽而為矣若此之類皆所以辨其是非之似 誠文 仲為竊位者以其不仁而無下也謂誠武仲為要 剛 之實也于管仲則與之仁而不可相廢也以申根為非 君者以其不義而無上也若此之類皆所以明其善惡 帲 難行也而有以善平仲與子則者以其能行此也謂 也子貢能辯而不能的則告之以予欲無言所以 子路能勇而不能怯則告之以臨事而懼所以欲 則剛之名不可盗而得之矣以微生為非直則直之 Ā 海上之

出于六者或當其無事而言之或因其所問而告之或 子以君子進而為賢人中人之所可致也以孝出而為 其才之可育若此之類皆所以長善也以士進而為君 大之或善之于其答也或然之或悦而進之不已或樂 欲 其寡言也丹求說中道而畫則告之以聞斯行之所 其的也司馬牛多言而躁則告之以其言也部所以欲 金万四不全書 仁以仁出而為智中人之所可能也其所欲言非教而 其無盡也若此之類皆所以敢其失也于其問也或

然弟子未曾稱其士者盖以士兼君子與賢則雖善為 之知任也知學則不失已知任則不失人子游仲弓之 子言士言孝言仁所以使人之知學也言政所以使人 試其所為而稱之者以教之莫先乎此也盖言賢言君 Cally Man Jak 士者固不足道也其言孝則告之以孝皆所以使人之 為孝也至于弟子稱其孝者関子騫而已孝可謂難得 于知政也其言賢則告之以賢皆所以使人之為士也 問孝問仁至于為牢然後問政則見其急于知學亦緩 浮址集

子稱其仁者仲弓而已仁可謂難得矣其言政則告之 矣其言仁則告之以仁皆所以使人之為仁也至于弟 樊遲之所志可以為賤也稱仲弓為仁而又稱宰我為 仁則必繼之以不仁者所以使人知仁之不可不為也 而已盖以政本于孝與仁則雖為善政者固不足道也 以政皆所以使人之為政也然于弟子稱其政者子游 而惡之不可不去也至于稱子賤之所行以為貴而 其言賢則必繼之以不賢言君子則必繼之以小人言

金二旦屋全書

顏 子賤仁則無若乎仲弓豈其命有所成形有所適而 其成徳者亦宜衆矣然其卒也賢無若顏子君子無 改其樂也世之學者不以富貴動其心而窮亦樂達 損益耶亦在乎人加勉而已楊子曰有學術業無 仲弓子賤乎且顧子之所以賢者不在乎他亦 湖又曰希顏之人亦顏之徒顏子賢者猶可希也 以為辱故也嗚呼其所言所稱以勘戒如此之詳 仁盖欲人之知仲弓所行可以為祭而知宰我之志 在乎 岩 . W 不 則 又

一多定四庫全書 亦樂是亦顏子之徒而已詩云令我不樂逝者其董學 歲元升亦自濟來赴禮部因得相親遂同登平未進士 升安得龍山潮駕迴馬河水水從樓前來中有美人淚 者之于學也猶可以不勉乎 年行已應舉開封幸中有司之選而无各實主文事是 之句每想其高趣恨不得即見嘗識其姓字簡冊後三 祐丁卯行已與王文玉操同在太學每見文王誦元 晁元升集序

古之所謂士者其自養也學其自待也重其自信也篤 求元升近文元升出此編因使予跋遂以此書明日元 亦不知有行已固知人之相知非偶然也将與元升别 不聞文王之誦則行已雖出无咎之門而亦不知有元 第今行已元升為同年于无谷為同第子使行已其初 升遂行實元祐六年五月四日也 使行已終不出无咎之門則元升雖與行已同年而 送季商老下第序

世而載之傳中以為異後世欲有為之君又設為科 激貪污節義者謂其氣概足以動流俗乃始見高于當 進之節氣勢一去風流遂遠故高尚者謂其清勁足以 自 卓榮者無不遇之嘆聞茸者無偶得之幸故在下者皆 以進退天下之士籠取載拔之術無所不至法益密而 不能自辨而上之人亦莫之祭朝有混淆之風下無難 好而可以無疑也後之世風教不明淪于流俗賢既 目

**金完四月全書** 

上之人求之則必知之知之則必用之用之則必盡之

幾人由禮部進于天子者幾人其取之不為不詳矣其 終不可以復古乎古之以行取之也故得之令之以言 之也朝廷之人非不知之也謂其無以易之也嗚呼其 得不肖者不必點天下之人非不知之也謂其無以易 得之不為不艱矣然而士之所以自員者如何哉上之 進者益靡靡嗚呼士每賤矣今之由四方舉于禮部者 必進不肖者必退今之法至密取人至多而賢者不必 人所以得人者如何哉古之法至簡取人至寡而賢者

火こりるこんから

ध्

浮址集

昔春秋聚都 要書曰儀南說者謂國不如名名不如字 也以此說贈之商老以為如何哉異日吾有待馬 薄是法之過也則安足以得士哉商老起子者故其行 之過也則非也曰法也士之才與業待法而為輕重厚 工而不見取曰朝廷之過也則非也曰有司也曰有司 取之也故失之然則非行不足以得人非言不足以取 人吾于二者有道馬商老其起子哉行修而不得進言 朱廷隱字大隱序

朝 修又當以經濟策者之成書落落數萬言皆能别白 賤得失則裕如弗為利害古之有道者未嘗不以是為 也同舍朱君以廷隱其名深甫其字若與夫名義違而 字君子之美稱也所以表其德之實而發揮其名之義 心此得廷隱之義數朱君在太學諸生中經甚明行甚 不得以表其實也盖當聞隱之說矣有所謂大隱者有 謂小隱者所謂大隱者非謂隱其身而弗見也隱于 假其位以行其道者也夫有悉乎致君澤民而于貴 • 浮址集 自

言之者此也行已與君出相從入相友于其稱也必以 然樂林數之逸也故字之曰大隱既以表其德之實而 允能有志于隱之大者也于其所學如是而求售于有 古是非區處當今利害而不為時學之竊借苟取世資 正馬義也敢以是為請元祐二年夏六月丙千序 累進弗獲吾恐不能終成其志軟憚進取之艱而翻 揮其名之義且以佐其志而進也古之人名之必可 储端中字序

學乎在于明吾之善以誠吾之身明然後知道之為道 Jan Driest Losses 之多開可也而不可謂之善學善于解章而不知道謂 也誠然後知道之為道也由公之學以達公之明以達 之能文可也而不可謂之善學然則如之何斯可謂之 其無適矣宣和四年九月一日 公之誠其有不至于道者哉古之聖人皆由乎道舍是 八學然後知道知道然後善學博于古今而不知道謂 李撣之字序

子友李紀如之族弟自蜀來将補太學生七名于其兄童戶屋至 寡過矣勉之哉 與予處未當見其過盖能擇道而居之擇友而交之言 其兄名之曰 擇又使予為字子字之曰擇之擇之之兄 余有友者十四人舉于禮部者十人禮部第其可進以 小必擇而去之故能若是也子必是而擇之亦庶幾其 必擇而後出行必擇而後行善無小必擇而為之惡無 送劉絜矩序

吾子年最少二親富于春秋兄弟無故不身管衣食以 皆其才力自可以致功名取富貴一科目不足為道不 名上于天子者孫總段萬項歐陽獻雀臨王親五人 也 以不若人也此而後可以言命也故余吊之者如此也 官 賀之者 杜家貧無父母兄弟可以為樂景然如人贅汲汲 而熟于禮部者五人余弔之者一 以畜妻子以顯父母以行其志而不可得此非 人則吾子是也方叔之學既成文既工而 人則李應方叔是 買 有

吾子于此既得之則其進未可知也既未得之且能不 優游文籍間人生得如此樂者能幾哉吾當以為人必 之言惟日之不足謂不得于此必有以取聞者以是越 也余遊京師今六年百無一得且受于天者有不可移 其所未至者如此則其進豈易量哉故余賀之者如此 為淺人者戚戚怒有司非同列負抱其業而歸以益進 之愚不能伺候時俗可否獨知古人為慕汲汲于前修 所艱難勞苦而後知道安貧賤而後享富貴如天使

銀定四库全書

易操此皆吾子親見之者也顧余心之樂者為如何哉 者見其狀貌而通说之雖百此顏自信益厚終不為是 固獨喜之謂天其必有以大界于我者則益進吾道以 耶 子領乎其形脩温乎其辭順才楚楚而志卓卓吾知其 迎受之古之大有為者未當不如是則吾何為遽戚成 語語不與世俗合至于瞽者聆其聲音而判笑之聲 此余之志也今又將進于子矣吾子以為如何哉吾 以自員者為如何哉去年秋從武于有司進既不獲 浮山县

治無愧于古人而後可也則失之于彼安知其不得之 于此耶故有以吊方权者吊子而子信之則其進余不 不為塵埃中人也要當進于其大者遠者則必渾渾 吾之病在好强人以善人之惡余者獨不察余心也讀 子者亦必以是謝之曰盍為周子賀也 所以望于君子者也吾子以為如何哉鄉之人有以弔 知也以余之所以自喜者為吾子之賀則余之心也 送 强應物序

堂以朱鉛飾以翡翠而毛嫱西子蒙以蕭文被以縊絮 ているる べつう 子之室子必以余為可語者也其行也請余言余将不 且言之其好之其惡之吾無憾馬爾子且謂無鹽嫫母 言是以余為簡子也言而不實則于余心有歉然者余 心盖欲人皆至于聖人之道而無尚夫世云爾今則又 之書反顧聖人之道邈若胡越不相及此又何哉余之 聖人之書則行聖人之道是也今之人將取利于聖人 强于子夫昔也吾與子未當有一朝之好遇子于樂 浮让集

乎不篤不病乎無實病乎無實不病乎無名若子好名 以為戒夫天下之人皆可以為賢皆可以為聖其志不 退而自省其于聖人之道為是乎為非乎而後行之退 者也以充其實則其發也光欺人以借譽徇人以節佞 以掩惡媚世為得以不於細行為能賤丈夫之事也盍 美是天下之美果不在外也士之學也何異于是學病 曰內不足者急于人知需然有餘展開四馳余當取 将以為熟美乎是必曰毛嫱西子美也毛嫱西子而

者其資之有眾寡也子行矣學而資吾見其應之而足 于心言之而足于口行之而足于身楊之而足于名不 得之多者發之易子欲以道勝人乎譬夫一夫之强百 曾子之後有子思子思之後有孟子曾子于仲尼之門 求勝于人而天下之人莫能勝夫人亦在勉之而已矣 人之弱而相與關一人雖强而必因百人雖弱而必勝 則其求道不深道不可一日成也求之深者得之多 送何進孺序

最為魯鈍而朴野然仲尼後能傳聖人之道者魯子一 多好四库全書 有酒肉將徹必請所與問有餘曰有又曰事親若魯子 事若不足學而以道德性命之說增飾萬妙自置其身 而已後世學者大言閱論往往以孝悌為君子易行之 掃應對以至入孝出悌循循有序故曰堯舜之道孝悌 可也曾子之養盖養志也非養口體也聖人之學自麗 乃若孝經孔子為魯子而作也孟子曰魯子養魯哲必 而已耳曾子之學見于孔門弟子所記者論語是也

友具酒食熊樂後生小子及德問業相從往來載色載 將 笑如是以盡其親之數則吾之志庶幾無憾余聞喜而 媛之節以順適其志意安車几杖出 入問里訪故舊朋 者其自欺者與其視自子獨不愧乎永康何君進孺侍 于堯舜之上退而視其閨門之行有悖徳者多矣若人 歎日幸哉有子如此上可以無愧會子而進于聖人之 其親致政而歸告人曰吾少不敏不知事親之道吾歸 思所以供膳羞珍好樂石百物問起居安否飲食寒 浮江集

金八正唐全 學將不己者也然余為之說日孔子當語自子日參乎 不說亦何異也然則自子之學乃至于比豈聖人窮理 吾道一以貫之魯子曰唯門人問曰何謂也會子曰夫 之質過人速矣令也又能思事親之道以自盡其他日 子之道忠恕而已矣聖人之語道亦至矣魯子得之于 質與眾人不同乎進孺天性好學歌厚而疏通其受道 盡性必本于孝悌而然耶抑自子魯鈍朴野其受道之 一言之間依然而解曾無骶滞此與顏子于吾言無所

名大順始自杉坑選于西澳山名龍就案號三台前奉 學問將進于曾子無疑因其行以贈别 シラマ してる 城列後岡屏峙林巒環複氣象豊隆真達人之道場棲 嘉郡之支邑瑞安縣之間心普安禪寺者肇基乾符錫 物之所起乃時之所至古令一道上下同流是故逆數 可以知來前識以之垂記符節之同毫釐不太專有永 有點定之分事無適然之合人之所作乃天之所為 新修三門檀施名街序

界歲不能有成一日褐然南遊拉郡行次長溪盖未累 方超城邑関関揭榜大書廣事供設以張聲譽奚暇顧 心之福地也國朝隆平度僧日廣昔構既盈益以前基 莫不喜捨于是得錢三十萬以歸求材催工不日而就 即色丞許公得之欣然若有宿契出俸二萬邑人聞之 為之重門以限內外逾三十年草創未完前管勾僧者 **幽隱寂寥之地以修點施不祈之福哉故实祖勤** 珂選于徒眾得師英祖屬幹其事永嘉俗故樂施

石 次ヤコラアへいる 藏莫不合掌肅恭歌喜讚數夫以數百年之基創至珂 巍然雄麗映冠山谷望之者愕觀天宫由之者恍迷華 名氏列諸碑陰以詔後來 符會盖經始于政和元年孟冬落成于八年之孟夏許 至事若偶然理宜定數略誌檀施之姓名以紀歲時之 公名邦字邦直永嘉横陽人學行官業皆有稱述其餘 記 加口 闢僧实祖之營造遇許而乃成天人相因時物 竝

世俗之煩混樂山林之清虚脱講席而勿顧慕此人之 室 與俱獨一 則 ジェノモ 所守而通人以為看者也且夫彼佛之徒截心達道 者安時避喧于峥水之上得拳石之地為之居名 有四海之居夏然獨立而萬物不能易也死生不 有無同體宣静一途奉然之石有天地之載蝸然 軒其游景曇屬子為記予曰俞如何曇曰斯人也厭 介軒記 軒以寄做將終身而不渝子曰是道也節士 日

和 溪盖隸于温州東喻嶺陸行三十里至陶山自陶山江 慶也豈非所為介乎曇口唯唯吾将命請進于斯于是! 民遠解依山生活地編製食苦作以自給故其民敦重 マノハノロ いれ ノー・ 信義愛惜生理不肯為關訟以干州縣琛處其間和 行五十里至瑞安縣由縣乘平河北行七十里至州 孔子曰十室之邑必有忠信吾于小溪得僧顯琛馬小 而為之記 間心普安禪寺修造記 浮让集

灣吾祖葬馬由寺而南渡溪西南行四五里是為燥原 家始得吉地其鄉為二墳與琛之居相望盖所謂聞心 慈惠信于一鄉鄉人愛而不狎敬而不疎熙寧九年吾 金少工匠全意 墳不以利馬而以初吾祖父葬時祖母年已高當語琛 吾母葬馬周氏子孫歲時來省二墳必見琛琛護視二 普安禪寺者是也由寺而南循山西行三四里是為周 慰幽魂越数年吾祖母果桑養遂以合葬于祖父之墓 口婆子亦不久于世矣他時殖骨此土幸歲時臨視以

悉訪 其居非昔之比琛揖吾父子由新路登白雲亭 里仕于王朝者已十數年而琛年方六十餘尚强壮 遂為故事而琛每至墓上與周氏子孫數數泣下盖天 ・人へいう・・・ 作佛事墓上鄉民因之往來真謁遊觀不絕至令數 琛能不忘其言凡時節朔望必與其徒設香果茶湯 循東廳而南視廚倉庫院觀新鑄鐘訪其弟子道珂之 而上入門又循西無親僧堂登方文覧左右軒復 仁慈人也元祐八年某侍親歸省墓下于是盖去 1

这乎且琛也老幸可以休 珂才能主寺事珂不敢以辱 也易彼其完且有矣亦既崇且新矣而琛也獨能不居 尊公大筆敢屬之吾子以幸吾門嗚呼是不可以無述 昔之所無者也居者獲安而遊者起敬以示後人可無 昔之庫者更崇矣令之所完昔之所缺者也令之所有 室琛曰是皆顯琛與道珂十年之勤昔之做者更新矣 也惟琛之慈惠故人之從也悦惟珂之强敏故事之成 其成雖曰未學其違道不遠矣故吾以謂慈惠者德也

					下	强
					下無難矣是為述	道
					鲜	
					全	一十
	'				スロ	4
.					火火	4
					A	不
۱				i	还	店
						其
						成
海						者
浮 辿 集						请
						راد
					1	
						旦
						之一
				.		二
						有
		. '				翠
孟						般者才也不居其成者道也合是三者舉而措之天
İ						措
i						2
1						£

